



UNIVERSITÄTS-
BIBLIOTHEK
PADERBORN

Universitätsbibliothek Paderborn


Impius Infelix

Texier, Claude

Augustae Vindelicorum [u.a.], 1695

XIII. Sermo. Impius Maledictus in suâ spe.

[urn:nbn:de:hbz:466:1-45950](#)



IMPIUS MALEDICTUS IN SUA SPE.

*Intravit (Maledictio) sicut oleum in ossibus ejus.
Psal. 108. v. 18.*

Spíritus Sanctus in Ecclesiaste observat , certos quosdam reperiri peccatores , qui tranquilla perfruantur quiete, & què consequendi salutem, spem foveant, ac si virtutibus & meritis omnibus justorum abundarent : mox tamen nos admonet hanc pacem esse fraudulentam , spem istam à Deo maledictam , eoquòd plena sit vanitate & stultitia ; *Sunt impii, qui ita securi sunt,* Ecel.8, 15. *quasi justorum facta habeant; sed & hoc vanissimum judico.* S. Augustinus in citatum locum distinguit intensibilitatem & impassibilitatem , aliud est stupor corporis, aliud impassibilitas ; insensibilitas est prodromus mortis , impassibilitas verò est proprietas corporis gloriæ resuscitati. Insensibilis est incapax doloris , quia vitâ privatus ; impassibilis non amplius versatur in statu sustinendi , quia possidet vitam immortalem. Major adhuc est differentia inter pacem justi , qui pœnitentiam egit, ut Divinæ satisfaceret justitiæ , & inter quietem peccatoris de sua salute præsumentis, & spe misericordiæ abutentis , unaq; continuò in peccato suo per severantis.

Nolo hinc inquirere radicem istius insensibilitatis conscientiæ , quâ peccatores obdurantur , nè minas Dei per-

pertimescant, quæq; eis certam spem obtainendæ salutis suggesterit,

Sed, postquam fidem ipsorum ostendimus esse maledictam, solum dico, spem illorum haud melioris esse notæ, & undecunque hæc suam trahat originem persuasio, summæ miseriæ extremitatem, simûlque certam esse characteristicam perditionis & damnationis ipsorum perpetuæ.

Probo id dupli argumento, quod duplicem partem DIVISIO, simul ministrabit præsenti discursui. Primò falsa spes ista demonstrat, carere impium timore Dei, ac consequenter statum illius formaliter opponi gratiæ primæ cœlesti ad conversionem sui necessariæ. Secundò, si impius recipere gratiam, falsa ejuscmodi confidentia timore Dei destituta privaret ipsum duabus virtutibus, quæ sunt duo principalia instrumenta in ordine ad præstandam efficaciam gratiæ.

Quò meliùs hanc exponamus veritatem, Spiritum, adeamus veritatis, eum interpellando per intercessionem Dei Matris. *Ave Maria.*

Prima lectio, quam Divinum Spiritus ad se accedentibus prælegit, est de timore Dei, sua secreta is non revelat nisi animabus timoratis. Magni illi veteris testamenti cultores Deo alioquin familiarissimi, adeò tamen timore Dei percellebantur, ut extraordinario quodam loquendi modo Deum suum timorem appellarent. Ita Jacob in Genesi juravit per timorem Isaac, id est, per nomen Dei Isaac. *Nisi timor Isaac (quod idem ac Deus) affuisset Genes. 31,42.* mihi.

Vigebat hic timor non solum in veteri tanquam in lege rigor, sed etiam in nova gratiæ sc. & amoris, quem omnium

I.
Punctum.

omnium servorum suorum cordibus Deus imprimere voluit. Isaías declarans thesauros gratiarum inestimabiles, quibus anima Christi esset exornanda, inter alios **Ila. II. 3.** etiam ponit: *Replebit eum Spiritus timoris Domini.* Hebreus textus habet: *Spiritus Domini faciet eum spirare timorem Domini.* Eo modo, sicut miles non spirat aliud præterquam cædes, sanguinem; sponsus amorem & amoris illecebras: ita Christus respirat undique non aliud quam sanctum istum timorem.

Singulariter animadvertunt Evangelii interpretes, quod Christus, cum prima vice populum instruatur templum subiisset, secum tulerit virgam in manu in testimonium zeli severitate pleni, quo ardebat. Præferebat ab initio vultum Sacro quodam furoris igne succensum, nec prius verbis quam verberibus prædicare incepit: quo extraordinario, & amabiliter quoque inclinationi dulcissimi cordis sui tam contrario agendi modo, ut D. Augustinus explicat, nos instruere intendit, timorem Dei lapidis angulatis loco in Ecclesiæ suæ fundamento collorandum, eo quod sit dispositio præviè necessaria ad hauriendum, profectum è luminibus Evangelii.

Non loquor nunc de timore illo inquieto, cuius amor est individuus comes: *Res est solliciti plena timoris amor.* Nec de timore filiali, quem S. Augustinus vocat timorem castum, ei similem, qualem sponsa gerere solet, ne sponsi sui offendam incurrat: neque de timore procul servili, & terreno, qui ex amoris proprii fonte derivatur, & in causa non est, teste D. Augustino, ut observetur justitia, sed solum impedimento est, ne poena incurritur: ita quidem ut sine timore poenæ non fugeret aliquis malum, cui

qui illa est affixa; immo vellet adhuc habere potentiam id
committendi. Timor iste est malus ac vitiiosus.

Loquor de timore, qui medium inter servilem & filialem occupat locum ; nec adeò illimis & defœcatus ut filialis, neq; adeò terrestris ac carnalis per modum servilis, sed miscens proprium commodum cum honore Divino, metuens quidem pœnas, plus tamen pœnarum causam, quæ est peccatum.

Timor tali modo sumptus est donum supernaturale, effodus Sancti Spiritus, ut Concilium Tridentinum decernit. Scriptura plerumque eum nominat originem salutis, initium sapientiae, inchoatam charitatem eo quod hanc post se trahat veluti acus filum, D. Augustini est comparatio; acus instar ille sindonem uero g. penetrat, ut charitatem tanquam filum ibi relinquit.

Dico itaque cum Pertulliano, *timor*, de quo hic nobis sermo *fundamentum salutis est*. Rationem dicti idem mox subnectit: *Qui præsumit, superbit, præsumptio inver- cundia & portio est*. Superbia vero formaliter opponitur primæ gratiæ, quæ effectus purus est solius misericordiæ; ad hanc igitur obtinendam, necessarium est, ut timor Dei humiliet peccatorem, cùmque in statum redigat, in quo Publicanus Evangelicus suspirabat veniam: *Nam humili- Jacob. 4.6.*
bus dat gratiam.

De prima ista gratia sentit D. Bernardus idem, quod de subsidio Angelico à Deo hominibus promisso, dummodo sint in viis suis: *Angelis suis mandavit de te, ut cu-
stodiant te in omnibus viis tuis.* Quænam sunt viæ homi-
nis? timor & humilitas; *præsumptio & obstinatio sunt via
demonum.* Peccator, qui iustitiam Dei non reveretur,
ejusque minas non perhorrescit, caret dispositione ne-

cessaria ad hoc, ut radiis Divinæ lucis collustretur, qui sunt initium conversionis peccatoris. Ad quem respiciam, quærit ex Isaia Deus, in quem effundam viscera misericordiæ, defigam oculos pietatis meæ, nisi ad pauperculum, humilem, parvum in oculis suis, & contritum Spiritu, & trementem sermones meos?

Ila.66.2.

Cùm timor itaque nos constituant in statu primos Divinæ miserationis intuitus recipiendi, cum Sancto Bernardo concludere possumus: Prima gratia est timor Domini, sine hac gratia gratiarum, que totius Religionis exordium est, nullum bonum pullulare aut manere potest. Adeoq; nec ullam spem veræ conversionis concipere licet.

Si consideremus peccatorem in suis vitiis & depravatis suis habitibus, cœcus est, quem illuminari oportet; ignorans est, qui instrui debet; profundo scelerum lethargo, sicut ordinariè scriptura loquitur, oppressus, somno sepultus jacet, quem proin evigilare, necesse est; habet adhuc fidem, at fidem quandam mortuam, quæ resuscitari debet: in hoc statu talis Christianus nec capit, vel intelligit quidquam de rebus sublimioribus, quæ indies sunt ac factæ sunt pro salute illius in Ecclesia.

Videtur mihi adumbrari vivo colore stupiditas & insensibilitas horum Christianorum famoso illo casu, quem incurrisse legimus in historia profana celebratissimum Philosophum Archimedem. Erat hic in speculationibus suis Mathematicis adeò absorptus, ut in summo devastationis, deprædationis tumultu amplissimæ urbis, nil videat nec audiat, nullum sibi periculum imminere sentiat. Romanorum exercitus ex una parte Syracusarum muros prostravit, prostratos occupat, indeq; interiora urbis penetrat, omnia cæde & igne replet: miles av-

ritiae

ritia cœstro percitus ob partam victoriam insolens, omnia
deprædatur, quæ secum auferre nequit, cuncta devastat
& succedit: percipiuntur in omnibus urbis angulis mi-
serorum lamenta, hostium clamores, ovantium victorum
applausus, qui omnia, quæ occurrerant, & resistere poten-
tiant, prosternunt, extirpant. In tantum multuantur,
undiq[ue] militum & civium strepitu, in totius urbis adeo
spatiose fatali eversione, unicus Archimedes se minimè
commovet, continuò in suos circulos, triangulos, aliasq[ue]
figuras oculis defixus. Furiosus quispiam supervenit
miles, lanceam manu intentans, jam jam illatus necem,
Philosophus manet immotus; hostis contemni se ratus
brachio lanceam vibrat, Archimedes nil advertit, nec
dum quicquam mali adesse, suspicatur: perforatur eidem
pectus, sed nihil sensisse videbatur ille. Unde hoc prove-
nit? paucis Titus Livius id exprimit: *Erat totus formis
intentus.*

En veram imaginem Christianorum, qui terrenis
rebus penitus immersi, in objectis carnalium suarum pa-
sionum suffocati, *Transierunt*, ut Psaltes eos depingit, in ^{Psal.72.7.}
affectionem cordis. Omnis ipsorum intellectus, omnis ratio,
tota anima tam arctè adstringuntur & affiguntur ejusce-
modi figuris, formis, phantasias, quas mundus illis propo-
nit, ut nihil videant, nihil concipient vel capiant de mag-
nibus & summe proficuis Christianæ Religionis dogmati-
bus. *Toti formis intenti corpore & animo.* Avaritia,
ambitio, vindicta mille ad eorum latera opprimunt, & im-
pudicitia decem millia trucidat: *Cadent à latere tuo mil-* ^{Psal.90.7.}
le, & decem millia à dextris tuis. Interēa tamen nil fini-
stri subodorantur, quamvis aliorum instar in puncto sint

mox damnandi: *Nihil timent, quia nihil vident*, inquit D. Ambrofius.

Auspicio ergo conversionis horum peccatorum petendum ab interruptione somni, cui indormiunt; abstracthendi è vitiorum culcitra, excitandi à fatali & maledicto suo lethargo. Quodnam verò adhibendum remedium? tonitrua Divinæ Justitiæ supra obstinatorum capita immugire, quibus terreantur, fulgura aëreis fornacibus erumpentia, ut intueantur imminentem Dei vindictam, oculos illorum somno clausos aperire debent.

Magnum observat S. Ambrofius discrimen inter timorem Divinum & naturalem; hic, si crescit, turbas, motus in animo fovet & auget; ille cœcas passionum nebras dispergit, roborat rationem, fidem animat. *Cum hic timor immittitur, non ibi ratio extinguitur, sed illa caligo, quæ mentem premebat, discutitur.*

Quid adhuc est peccator in statu vitiorum suorum constitutus? est lethali morbo & quidem cum periculo æternæ mortis obnoxius; cui salubrius antidotum pro redintegranda sanitate præscribi nequit, quam timor Dei salutaris: universale & optimum istud ad ejiciendum omne lethiferum virus animæ, alexipharmacum dictavit

Ecclesiast. 27. ipse Spiritus Sanctus: Timor Domini expellit peccatum.

Idem remedium approbat Sapiens, qui insuper mox post ipsius applicationem promittit salutem: *Time Deum, sanitas quippe erit in umbilico tuo.*

Prov. 3.8. Prov. 3.8. nitas quippe erit in umbilico tuo. Vel sequendo aliam versionem: *& medebitur concupiscentiae tuae, pestilentibus febribus tuis è passionum deordinatarum æstu eluctantibus.*

Ah! utinam licet hoc Adventus tempore sumere ignes, flamas, stridores dentium, furores Divitis in-

Evan-

Evangelio Epulonis, & exprimere vim & virtutem omnium istorum suppliciorum mediante quadam profunda meditatione, inde extraherem liquorem reipsa & perverso naturae gustui amarissimum, cuius tamen una dosis sumpta certissimae cederet saluti omnibus avaritiae febri laborantibus in hac urbe, egererent & restituerent ii omnem illum terrae cumulum, quo se repleverunt sicut serpentes, suisque deconerarent conscientias alienis bonis prægravatas, postquam tot jam annis ea in suis ædibus detinuere.

O! si daretur facultas per sermones meos infundendi cordi istius mundo dediti, ambitione inflati aliquot præfati liquoris stillas aliquid detimor ignominiarum & confusionum æternum damnatorum: quam facile evanescent omnes illi vanitatum vapores, qui in cerebrum ejus ascendent, vertiginem, inquietem continuam capit exsuscitant.

O! utinam voluptatum cœno immersus, cuius pectus infamibus pustulis impudicitia est exulceratum, salutari nostro timoris Diviniaspergeretur rore, aut eo per modum succi corrosivi uteretur, noxiæ putredinem separantis, citò talis reconvalesceret. Consilium istud medicum præscribit D. Augustinus animarum archiater dexterimus: *Timor Dei sic vulnerat, quomodo ferramentum medici putredinem tollit.* Omnino hic timor est, qui aperit ulcera nostra, ut pus omne effluere possit. *Quicunque ait S. Doctor, tali vulnere non fuerit vulneratus, non perveniet ad vitam eternam,* sine læsione dicta, vera sanitas & animæ conversio obtineri nequit.

Resumamus paucis, quæ diximus. Ad conversio-

nem peccatoris necessarium est, deprimi fastum istius ni-

Hh 3 miūm

mium de se præsumentis: oportet illuminare hunc cæcum, excitare dormientem, sanare ægrotum: hæc omnia, ut vidimus, felici et præstat timor Dei. Qui proinde est dispositio necessaria ad consequendam conversionis gratiam. Quamdiu igitur peccator huic suæ falsæ inhæredit persuasione, quam S. Hieronymus *pessimum magistrum* nominat, scholam frequentabit *pessimi magistri*, qui cum in vitiis suis roborabit. Quamdiu ille carebit timore, in sua cœcitate, profundo vitiorum lethargo obrutus perdurabit. Quamdiu denique respuet timorem Dei, tamdiu detinebitur in sua infirmitate, medicinâ & remediis destitutus.

Eccles. I. 28.

Omittamus metaphoricè loqui, apertè cum Divino Spiritu pronuntiemus: *Qui sine timore est, non poterit justificari;* id est, qui non tangitur sensibus timoris Divinis non justificabit unquam. Cujus ratio est clara; timor iste non solum est necessarius pro dispositione ad recipientiam gratiam conversionis, prout jam intelleximus, sed requiritur insuper ad consensum gratiæ præstandum.

Rom. 8. 30.

Ordo hic à Deo stabilitus manet immutabilis, notat S. Bernardus, exponens textum modò citatum; *Præcedit timor, sequitur justificatio.* Ad probandum istum ordinem & connexionem utitur S. Doctor D. Pauli Theologicâ doctrinâ; Deus, quos prædestinavit, hos & vocavit, quos vocavit, hos & justificavit, quos autem justificavit, illos & glorificavit. Ecce, ait S. Bernardus, ingentem illam misericordiam, quam laudibus extollit Psaltes Regius, nullis terminis circumscriptam utpote incipientem sine principio in æternitate anteriori per Prædestinationem; iéque extendentem sine fine in æternitatem posteriorem per glorificationem. *Misericordia Domini ab aeterno usq; in*

Psalm. 102. 17.

aet-

eternum. Super quem tanta veniet misericordia? pergit e ulterius in allato textu, mox audietis: *super timentes eum.* Ipsa ergo portio esse debet animarum timoratarum.

Notate, hortatur S. Bernardus, prædestinationem, ac glorificationem istam æternam uniendas esse in tempore mediante vocatione, consequente justificatione; quos ab eterno prædestinat, in eternum glorificat, intercedente vocatione cum justificatione. Dico autem, prosequitur suum discursum D. Bernardus, quod timore vocemur, amore justificemur. Concludit jam S. Doctor, quod si peccator velit possidere partem æternæ istius misericordiæ, recipiat in se sensus timoris, quibus illum Deus tangit, vocando ad se, ut obediatur gratiæ vocationis suæ: *Auditat ergo peccator in sui vocatione, quod timeat, & sic accedens ad Solem justitiae videat illuminatus, quod diligit.*

Ponamus in exemplo, quod Deus peccatori, quem convertere intendit, inspiret pro tunc sublimes & terribiles has veritates; fidem sine operibus mortuam, Christianum reprobum nil in futuro debere sperare præter inferorum rogos; necessarium aliquem salvatum, aut damnatum iri; debere eum pœnitere aut ardere; mortem haud procul distare, ex insidiis in vasuram esse peccatorem, quando nil minus is cogitat; Deum in illos statuere justitiæ suæ exemplum, qui misericordiâ ipsius abutantur. Ad has Dei voces si pavore concutiat peccator, seq; cum Publicano humiliet percutiendo pectus suum veniam petat & misericordiam; obedit gratiæ vocationis suæ, se tangi patiens per timorem, brevi justificabitur per amorem. Studit se vocari, cum timore concutitur, sentit se justificari, cum amore perfunditur. Pari modo Deus Divum

Aug-

Augustinum è vetero suorum vitiorum excitavit, ut ipse in suis confessionibus ingenuè fateatur: *Instabas tu Domine in oculis meis, severa misericordia flagella ingeminans, timor & pudoris.*

O Divina misericordia, videbaris mihi, spoliata esse omnibus dulcedinum tuarum illecebris, tuum, quod mecum instituebas, alloquium erat non nisi de morte, de iudicio & inferno, & in decreto, quod habebas, me salvandi, me perdendi minas mihi intentabas.

Sed si peccator has mortis, judicii, inferni cogitationes contemnit, & tanquam importunas ac melancholicas phantasias rejicit, comminationes Divinas deridet, resistit gratiæ Dei, sine qua justificationem sperare nequit: *Qui Eccl. I. 28. sine timore est, non poterit justificari, perseverabit in peccato, rectè concludit Spiritus S. maledictus proinde est impius iste à Deo, & spes ipsius præsumptuosa causat hanc maledictionem.* Transeamus ad alteram partem.

**II.
Punctum.**

Etiamsi peccator, qui fallaci suæ speci innixus securus quiescit, nec est capax suscipiendi motus timoris Divini, posset recipere gratias, easq; admodùm præstantes, id necdum satis esset, quia deberet valorem gratiis isti tribuere, quod tamen ille præstabit nunquam citra timoris Dei admiculum, quo privatur per falsam suam confidentiam. Authoritas D. Pauli manifestè hoc nobis declarat scribentis ad Philippenses: *Cum metu & tremore salutem vestram operamini.* Quasi diceret; per vestram cooperationem gratiæ cœlesti communicate suum valorem. Id ipsum inculcare nobis voluit in Epistola ad Corinthios: *Perficientes sanctificationem in timore Dei.*

Ratio veritatis istius desumitur ex eo, quod verus Dei

Dei timor sit sociatus binis virtutibus, quæ illi servire debent ut instrumenta efficacia, quibus anima indiget ad superanda obstacula suæ conversionis, & ad ea, quæ Deus ab ipsa pro sui justificatione exigit, exequenda: prima virtus est solicitude, seu cura salutis, secunda est fortitudo.

Solicitude animæ provenit exinde quod sciat, cuncta Dei promissa de remissione peccatorum facta, nixa esse conditionibus necessariò priùs adimplendis. Sic promisit nobis per Ezechiem, conferre vitam gratiæ, præviè tamen requirendo totalem pristinæ vitæ immutationem: *Si aversus fuerit à via sua mala, vita vivet.* Ezech.18.31 Recipiet quidem nos Deus intra amplexus suæ misericordiæ, oportet tamen, ut ad ipsum cum tota cordis nostri revertamur intentione, antea totaliter simus à peccato abstracti. *Si reversus fuerit ad me in toto corde suo.* Ibidem.

At verus Dei timor reddit animam vigilantem, & ad implendas conditiones necessarias applicat: econtra-rio autem præsumptio peccatorem sopore obruit, & turpi quadam otiositate vinculatum captivat.

S. Gregorius Magnus eximum super præsentî materia discursum instituit. In primis notat ille duplìcem spem seu confidentiam in Deum assignari, vitiosam videlicet & virtuosam: priorem vocat characterem reproborum, posteriorem signum prædestinatorum; bonam, confidentiam docet esse bene ordinatam, malam verò inordinatam. Sed in quo consistit h̄c ordo? attendite: bona confidentia futurum non respicit, ut speret misericordiæ effectus, qui sunt peccatorum remissio, omnesque

nésque gratiæ in justificationis negotio comprehensa; quin prius respexerit præteritum in ordine ad detestanda peccata sua, atque considerárit præsens ad complendum id, quod Deus præcipit: *De omnipotentis Dei misericordia ordinatè confidit, qui hoc, quod peccando deliquit, prius pœnitendo corrigit.*

Falsa confidentia præsumptioni connexa talem ordinem non curat, tota occupata versatur circa futura, non anxia, quomodo præterita reparet, nec cogitat, ut præsentia bene disponat. Audiamus hunc peccatorem, venè se jaētat, sibique promittit ille, quod Deus aliquando gratias efficaces & victoriosas sit sibi ad conversionem suam concessurus, assistendo simul in articulo mortis, ut æquè fructuosè ac quivis alias pœnitens pronuntiare possit: *peccavi.* Interea nullatenus est solicitus circa restaurandas Deo irrogatas injurias, nec inordinatos passionum suarum componere studet motus, nec emendare sua vitia. Hanc confidentiam atro signat calculo Magnus Gregorius: *Inordinata confidentia apud Deum vindictæ locum habere potest, indulgentiam vero obtinere non potest.*

Verum itaque manet, quod spes ista fallax peccatorem impediāt, quod minus is efficacem suam gratiam reddat, idq; perficiat, quod sibi incumbit facere ex sua parte pro sui justificatione; dum ècontra timor Dei per Sacram hanc sollicitudinem animam applicat ad conservandam gratiam, ne in vanum sit recepta, sed ut motus & impressiones ipsius fideliter sequatur, exequendo id, quod Deus ad iustificationem prærequirit, separationem nimirū cordis totalem ab omnibus peccatorum objectis, & impletionem voluntatis Divinæ.

Hic

Hic ipse timor suppeditat animæ robur, animum virilem ei necessarium, juxta Divinæ Sapientiæ testimoniū in Proverbiis, ubi ea fundari vult supra timorem Dei confidentiam quāpiam fortitudine & generositate stipatam ad agendum & patiendum. *In timore Do-* Prov. 14.16. *mini fiducia fortitudinis.* Et Eliphaz Jobum alloquens, eidem representat, quod timor Dei esse debeat illius fortitudo, patientia &c. *Ubi est timor tuus, fortitudo tua,* Job. 4.6. & patientia tua & perfectio viarum tuarum, id est impletio omnium Dei circa te intentionum? Videtur primitus, paradoxum esse, afferere, nos à timore mutuare robur, fortes, animosos effici timendo: *Degeneres animas timor arguit:* debilitatem & pusillanimitatem cordis notat timor. Verificatur id quidem, sed de timore duntaxat humano, non de Divino, ubi res longè aliter se habet, Di-
vo Gregorio attestante: *Sicut in via seculi audacia fortitudinem gignit, ita in via Dei à timore incipitur, ut ad fortitudinem veniatur.*

Et quosnam vocatis fortes, animique constantis vi-
ros, nisi eos, qui nihil metuunt? Ideam verò ejus, qui
Deum reveretur, ut oportet Spiritus Sanctus nobis sic
delineat, ac exhibet: *Qui timet Dominum, nihil trepi-
dabit.* Si ad hoc, ut sequatur motum gratiæ sibi à Deo
concessæ ad perfectam sui conversionem, videatur neces-
sarium, eruere oculos, aut proprias detruncare manus
juxta Evangelium Christi monitum, hoc est nuntium re-
mittere alicui creature, quæ nobis æquè proficia vel
grata existeret, ac nostri nobis oculi aut manus esse
possunt: nihil ipse pretiosius, nec utilius Deo judicat,
qui solus est, quem amittere præ omnibus timet, cætera

cuncta contemnit, nihil trepidabit. Si considerationes mundanæ, respectus humani illi remoram interponere conantur, quò minus Deo obtemperet, frivola huic quæstioni: *quid mundus dicet?* motivum opponit magis Christianum, *quid Deus dicet?* nihil trepidabit.

S. Chrysostomus mirabilem aurei sui oris ostendit eloquentiam differens super hoc punctione, quando timorem mortis & inferni representat sub scheme militis igne, ferrisque armati animam cum violentia invadentis, simulque ab initio inclamantis: *quis ut Deus?* quis Deo resistere presumat? quis magis quam Deus est metuendus? ad cuius clamorem omnis passionum turba perterrita contremiscit, tota vitiorum phalanx in fugam se conjicit, at peccator liber effectus se deprehendit in statu, in quo valorem & efficaciam gratiæ tribuere, eiq; cooperari possit.

Per timorem Domini, ait Richardus de S. Victore, *cor contra concupiscentias robatur*, quis tam numerosum exercitum concupiscentiarum suarum debellavit, si sine timore pugnavit?

Ad hunc discursum appositè infertur illa D. Pauli consequentia: *Scientes ergo timorem Domini, hominibus suademus*: perspecta tam utilitate quam necessitate timoris Dei ad inchoandam & consummandam hominum salutem nos eam pariter persuadere conamus omnibus nostris Auditoribus.

Quandoquidem peccator sine timore Dei se disponere nequit ad recipiendas primas gratias adeò sibi necessarias, ut à peccato desistat, neque cooperari gratiæ, laborando cum sacra quadam sollicitudine, quæ eam

eam applicet, & cum fortitudine invincibili, vi cuius omnia obviantia è medio tollat impedimenta: rationem habeo dicendi, quòd fraudulenta Spes impii sit à Deo maledicta, jure in hanc cadere intelligatur imprecatio Prophetæ Amos, quæ juxta versionem Hebraicam & Chaldaicam sic sonat: *Vae, qui tranquilli estis; vae vobis peccatori-bus ad inferorum januas securè indormientibus, qui vi-tam agitis quietam inter pericula proxima & continua-vestræ perditionis.*

Diabolus est, monet Eusebius Emissenus, qui male-dictam istam fiduciam animæ vestræ suggerit, ut per eam vos æternūm præcipitet: *Immittit diabolus securitatem, ut immittat perditionem.* Detestemur hanc Spem, petamus à Deo timorem ipsius salutarem, quo mediante obtinca-mus ejus gratiam, nos ad amorem Dei disponen-tem, quem insequetur gloria æterna. Amen.

